

西藥大成卷五之三

英國

來拉同撰
海得蘭

英國

傅蘭雅

口譯

新陽

趙元益

筆述

第一類外長又名兩子瓣

第三部瓣花

忍冬科

西名措坡里
夫里阿西依

忍冬科植物在溫和與冷地遇見之然其藥性不甚重

野黃楊

西名散末蒲扣立尼由司名曰黑色散末蒲
扣列於五箇鬚三箇花心其花入藥品英國

俗名呵
拉大木

此木原爲歐洲所產希臘國人俱知之又代司可立弟司

書中名曰阿客替

此物略有樹之形狀其枝甚多常左右相配其嫩枝常含
輕鬆樹心料如燈草之料葉似翎毛形分葉有兩對另有
一箇略似蛋形又爲鋸形頭尖硬如刺其花每叢有若干
朵合成一平頭在枝之端分爲五箇總花幹萼分五出花

第一百二十三圖



瓣似乳皮色有輪形分五出其
端向內彎其臭小花鬚五箇子
房口三箇無托線裸果球形黑
色種子三箇至四箇如第一百

二十三圖

野黃楊樹之各體曾有人用爲藥品第其有藥性者少其
花之香藉自散油質可蒸取之浦離拉云尋常出售之野
黃楊油前時爲藥品者非野黃楊花所作其作法將野黃
楊葉在菜油內沸之而成其花之香最佳因含自散油前
時有人用其木之內皮爲瀉藥

野黃楊花水

西名散末
蒲扣花水

取法 將野黃楊花去其莖共得十磅合於水十六升蒸
之至得八升如將其新鮮之花合於食鹽可久存之蒸此
花取其香水與用鮮者相同

功用 此藥能加入他藥內令得佳味或可合於他藥用

之

金雞那西依科

此爲林特里之名

此科爲珠西亞所設茜草科內之一族近將珠西亞所定之族分爲兩科一爲黃精

西名加里阿西依

科又名司脫拉替依

科一爲金雞那西依科

黃精科之植物其葉爲圈形金雞那西依科之植物葉相對排列副葉在葉莖中排列地球面各熱地俱有之內含苦味收斂性之藥如雞那金雞那樹皮酸等俱爲治發熱病之藥又有數種內含伊密的尼作吐藥之用此植物產於地球熱帶內卽如秘魯國安達斯山又產於印度國之

山高至熱帶中植物所能生長處而止

吃嘑略苦阿那

又名吃嘑略西發以里斯特看杜辣之名藥品中用其乾根從巴西國運

來或名吃嘑略苦恩

又名吃嘑略苦阿那

吃嘑略苦阿那爲南亞美利加土人之語又名坡來亞特

瑪士此爲數種吐性樹根之總名而藥品書中以此名專

屬於本節西發以里斯樹根論之如一千六百四十八年

秘瑣論巴西國動物植物之書言明此事又馬克古拉弗

書一百零一頁與十七頁亦論記之言爲櫻色吃嘑略苦

恩必與白色者分別之此草之形似乎坡里其由末草

即薄

荷之一種此草之根初爲黑勒肥西由司帶至歐洲各國略爲

一千六百八十六年之事產此根之草久不知爲何種一千八百零一年醫士哥密士著論一篇爲巴西國之吡嘑格苦阿那草圖說哥密士將其草送與葡萄牙國固英巴拉之植物學家波羅替羅而波羅替羅交與法國難得斯植物學家士薩客後波羅替羅在一千八百二年立尼由司會之記錄中第六卷第一百三十七頁講論此草並不提及哥密士帶此草至歐洲之事而言此草爲措里可措之類然本類之草植物學家司哇子名曰西發以里斯士薩客亦指明爲此類而在一千八百十三年戴符植物記錄書內第四本第二百零四頁詳細論之近有植物學家

第一百二十四圖



米拉里又茲馬替由司孫希累爾等人俱考究之卽如米拉與奇布特分叱哩略苦阿那爲三種一爲櫻色者一爲紅色者一爲灰色者此各色俱藉草榦皮色得之

如第一百二十四圖爲叱哩略西發以里斯其根存多年形簡或多彎曲或爲數箇分支長數寸厚與鷺毛管略同其面生頭如節有橫圈形新鮮者外面淡櫻色其榦爲木本之形多年不枯直向上而不彎常有近地面處另發根

而在發根處以上則直立近幹之上端略生毛每幹有葉四箇至六箇或八箇相對排列形長圓略爲鈍蛋形其端尖上面略毛下面生細毛副葉直立分四分至六分花莖爲獨者從葉幹間角發出面生細毛開花時則直立結果時則下垂其花聚成密頭而有總花葉一張抱護之此總花葉分四分至六分其分之間甚深各分係鈍蛋形每花有一花葉似鈍蛋形而長萼小有五箇短鈍齒形花瓣白色似喇叭形管外與口生毛管體有五箇蛋形同彎之分鬚五箇其凸爲線形鬚頭亦長如線少伸出花瓣之外花子房上有肉形厚花心墊子房口分二分所結裸果略

與咖啡同大其色似深茄花色上有萼之痕迹果分兩膛
內有兩種子膛之隔衣係直排列其質厚其仁一面平一
面凹在平面有槽紋自西十一月至三月開花五月結果
產於巴西國樹林內遮陰處自里約熱內盧起至伯能不
各止又在近於維拉米捺之樹林內有韋弟勒查得之

此草所產呖啤啞苦阿那櫻色或灰色又名圈形或眞呖
啤啞苦阿那又名巴西國或里斯本呖啤啞苦阿那大半
在西正月至三月取之從巴西國里約熱內盧巴希亞伯
能不各等口運至歐羅巴韋弟勒之書云此草巴西國土
名坡阿亞產之最多近時出售者大半爲馬的噶羅索省

所產常見之處在里約巴拉圭與其支河左右平原樹林中遮陰之下惟河漲時能淹沒之地不遇見之祇在稍高處有溼砂土而土中有腐爛植物質者此各處所見西發以里斯成叢而生取其根之土人名曰里陀里羅司

圈形叱啤略之根爲尋常出售者或爲淡櫻色或爲灰色間在其上端有相連直圓之一分卽與幹相連處長二寸至四寸其支或尖或分叉彎曲形不定其厚略與小鷺管同大似爲不等之圈橫相連而成圈間之凹幾平行所以根之外形似多結之繩其圈之外似樹皮其質似牛角質脆中有細韌白色木質而圈似穿於木質之上此木質謂

之根中心質略爲上等呷略根五分之一此中心質無
臭無味然根之外殼有可憎之臭少有苦絳之味或言新
鮮之根其臭更大而乾根磨成粉者其臭爲尋常人所難
當其有藥性之質能在水或酒醕或準酒醕或葡萄酒內
俱能消化出之化學家百勒替耶化分呷略苦阿那根
在其殼質內得一奇性之質謂之伊密的尼然此質實爲
吐性膏質每根一百分含此質十六分香油類質二分此
油類質爲香自散油與無香定質油相合而成又有蠟質
六分樹膠質十分小粉四十二分立故尼尼二十分耗去
四分共得一百分紅色呷略根每百分含吐性膏質十

四分其根之中心質每百分含吐性膏質大約不過一分又含木紋質約六十七分

吐性膏質初名曰吐料後有化學家細化分之得知內含他質頗多故知上等叱哩略苦阿那之根每百分含淨伊密的尼大約不過一分此淨伊密的尼質無色不成顆粒有鹼性無臭幾無味加熱至一百二十度則融化水中難消化惟在無水酒醕或準酒醕內最易消化又能合於配質成苦性之鹽類其已消化者如合於沒石子浸酒則結成又如將叱哩略苦阿那根在水中煮之加鐵綠則變綠色其真伊密的尼之原質爲炭輕養淡不淨之伊密的尼

常出售者爲黃白色之質

化學家韋落克亦化分呷略苦阿那之根而在伊密的
尼之外另得一質有酸性者謂之西發以里克酸此酸與
沒石子酸大同小異其原質爲炭輕養加輕養能在酒醅
或水中消化又在以脫中亦能消化惟能消化者更少如
合於鐵綠水則變綠色與前所言者同如合於淡輕養則
變茄花色設其淡輕養大有餘則變深黑色

有一種呷略俗名線紋呷略又名黑色呷略卽秘
魯國呷略生此根之草與上言者不同種其節更大此
草正名吐性賽可特里亞屬於咖啡依科而產於新加拉

拿大前時以該處所產吡嘑略爲眞者。化學家百勒替耶查此草根每百分含不淨伊密的尼略九分。

又有一種吡嘑略爲秘瑣書中所言者。色白性與小粉略同。外面有浪形彎條。生此質之正名曰毛糙里义特孫。有數植物學家名曰巴西國里义特孫。此草屬於司卑瑪可扣依科。而產於巴西國新加拉拿大委拉古盧斯等處。又有一種爲玫瑰形里义特孫所產之質。與此質相同。每百分含不淨伊密的尼略六分。

茜草科植物另有數種。亦具吐性。又他科中亦有之。卽如遠志科白前科大戟科堇菜科。與吡嘑略依亞尼弟由末。

又有一種名小花依亞尼弟由末所產之藥名蓋成可立杜可恩

功用 呓嗶略有惹胃之性爲可憎之吐藥又爲化痰發汗平火安心之藥如重傷風則爲有效之化痰藥與發汗藥又如各種發熱病用爲發汗藥泄瀉與赤白痢用之令血多行於皮膚瘧疾寒冷時用爲吐藥令其速熱胃中有不合之物可令其吐出或欲全身活動俱可用之又如流血等病爲吐性平火安心藥

服數 將其粉以十五釐至二十釐或多至三十釐爲一服爲吐藥常與打打伊密的一釐相和用之同時服暖水

或野菊花茶。卽指暮米辣茶。此藥以二釐爲一服。則令人有嘔性。以一釐至二釐爲一服。爲化痰發汗藥。以半釐爲一服。爲胃不消化之改血藥。又可用伊密的尼以十六分釐之一爲一服。

呷囉葡萄酒

取法 將呷囉苦阿那根捶碎一兩。置於舍利酒一升內。浸七日。屢次搖動。粗布濾之。壓出根中之汁。再濾之。加舍利酒補足一升。

功用 以十滴至三十滴爲一服。則爲化痰與發汗藥。以二錢至四錢爲一服。則爲吐藥。如小兒服之。以二十滴至